

Et es ad ens en Zigg her, ävver mer han wirklich vill gelaach dodrűvver.

Et wor Fastelovend un för uns wor klor, gefiert weed en der Stammkneip met de Kägelsfrűnde. Un su wor et dann och. Mer hatten vill Freud, vill Spass, un et woodt ad immer späder, ävver keiner hatt dran gedaach op Heim aanzegonn. Un mer hatten ald de Rөгgelcher wärm, alsu dat steiht ens fess.

Jedenfalls et woodt immer späder un op eimol däten däm Düres sing Zäng esu wih, dat e die usdun moot. Hä säht: "Ich dun se ald ens en de Manteltäsch." Et wor jo ald späd un mer woren unger uns. Wor nit schlemm. Jo, un dä hät se fottgebraht. Mer han gefiert, mer sin noh Hus gegange un han geschlofe.

Nächste Morge rөf der Düres aan: "Hür ens, ming Zäng sin fott."

"Wie fott?", sag ich.

"Jo fott! Ich gläuv, et wor der verkehte Mantel, wo ich se dren gedon han en die Täsch."

Jo, jertz wo sin die Zäng? Hä hät se dann widderkräge, ävver ich weiß nit, dä, dä se gefunge hät, ov dä dodrűvver laache kunnt, dat weiß ich nit. Muss e komisch Geföhl sin en en Täsch packe un ander Zäng dren finge.

Rudolph, Heide (83): *Et Gebess*

ʔət ʔes ʔad_ŋs ʔən tʃɪk he:ɔ ʔɛvə mə han: 'vɪklɪʃ fɪl jəla:x dɔ'dɪvve ʔət vɔɔ fast'lo:vənt ʔʊn fyɔ ʔʊns
vɔ klo: jəfi:ɔt ve:d_en də 'ʃtamknɔɪp met:ə 'kɛ:jəlsfɪvndə ʔʊn zʊ vɔ:b_əd:an ʔox mə hatŋ fɪl fɪʒyt fɪl ʃpas
ʔʊn ʔət vɔ:d_ad_ɪmɛ ʃpɛ:dɛ ʔɛvə keɪnə had:van jəda:b_op heɪm 'ʔantʃəjɔn ʔʊn mə hatŋ ʔal də vɔɔgəlʃɛ
vɛɪm ʔalzo dat ʃtɛ:d_əns fɛs 'jɛ:dɪfals ʔət vot ʔɪmɛ ʃpɛ:dɛ ʔʊn ʔop 'ʔeɪmɔl da dɛ:tŋ dɛm dy:vəs zɪŋ tʃɛŋ
ʔə'zu vi: dat_ə di 'ʔʊsdʊn mɔ:t ʔɛ zɛ:t jo ʔɪʃ dʊn zə ʔad_ŋz_en də 'mantəlsteʃ ʔət vɔ: jo ʔalt ʃpɛ:t ʔʊn
mə vɔ:vən ʔʊŋə ʔʊns_ʊn vɔ nit ʃlɛm jo_ʊn dɛ hɛt_sə 'fɔtjɔbɔa:t mə han jəfi:ɔt mə zɪn:ɔ hʊs:əjəŋ_ŋ han
jɔʃlɔ:fə nɛ:kstə mɔvɔ bɔ:f dɛ dyvəs ʔa:n hɪv_əns mɪŋ tʃɛŋ zɪn fɔt vi: fɔt sa_ɪʃ jo fɔt ʔɪʃ:lø:v_ət fɔ: də
fɛkɛ:tə mantl vɔ_ɪʃ zə dɪn jədɔn han ʔɪn di tɛʃ ja: jɛtʃ vɔ zɪn di tʃɛŋ ʔɛ hɛt_sə dan 'vɪdɛkɛ:jən ʔɛvə
ʔɪʃ vɛɪs nit dɛ dɛ zə jɔfʊŋə hɛt ʔʊv dɛ dɔ'dɪvve la:xə kʊnd:at vɛ:d_ɪʃ nit mʊz_ə 'komɪf:əfɔ:l zɪn_en_ŋ
də tɛʃ pakə_ʊnt ʔandɛ tʃɛŋ dɪn fɪŋ